


TALLAALADU WAXAY BADBAADIYAAN NOLOSHA

Tallaaladu waxay naga dhigaan kuwa caafimaad

Mararka qaarkood gudaha Maraykanka, caddaynta tallaalku waxay noqon kartaa shuruud. Tusaale ahaan, marka aad carruurtaada dugsiga u dirto. Ama shaqooyinka qaarkood iyo codsiyada socdaalka.




Tallaaladu waxay soo jireen boqolaal sano. Tallaaladu waxay naga ilaaliyaan cudurro badan oo halis ah, sida jadeecada, dabaysha, hargabka, COVID-19, iyo in ka badan.

Tallaaladu waxay badbaadiyeen dad ka badan hindisaad caafimaad kasta oo kale

Sidee ayay tallaaladu u shaqeeyaan?


Tallaaladu waa ammaan waxayna ka hortagaan jirrooyinka. Waxay u diyaariyaan habka difaaca jirkaaga si ay u ogaadaan jeermisyada sida bakteeriyada ama fayrasyada.

Tallaalku waxa uu jirka baraa sida loola dagaalamo caabuqa mustaqbalka ka hor inta aanu jeermisku ku xanuunjin. Si la mid ah sida ilmuhu u barto wax-akhrinta iyo qoraalka, habka difaaca jirku wuxuu akhriyaa oo uu xusuustaa faahfaahinada ku saabsan cudurka ee ka dhasha tallaal kasta.





Waqtiga, inta jeer, iyo garoojada tallaaladu way kala duwan yihiin. Tusaale ahaan, tallaalada qaar ayaa si fiican loo qaataa marka uu qofku yahay dhallaan ama ilmo. Kuwo kale marka aad tahay qof weyn, waayeel, ama uur leedahay.



Tallaallada qaarkood waxaad u baahan tahay hal mar oo keliya. Kuwa kale sanad walba sida tallaalka hargabka.

Waxaa jiri kara tallaallo loogu talagalay markaad u safarto meel gaar ah.

Ma qabtaa wax su'aalo ah oo ku saabsan tallaallada?

Kala hadal bixiyaha daryeelka caafimaadkaaga. Waxay si fiican kuugula talin karaan tallaalada adiga iyo qoyskaagu u baahan tihiin.



Xusuusnow: tallaaladu waa kuwa ammaan, wax-ku-ool, iyo naf badbaadin leh. Bulshooyin badan ayaa u arka tallaalada calaamada rajada mustaqbalka. Mid ka mid ah siyaabaha ugu wanaagsan ee aan ku ilaalin karno nafteena iyo kuwa aan jecelnahay waa tallaalada. Dhakhtarkaaga la hadal maanta!